

TAKMIČENJA U ŠKOLSKOJ 2021/2022. GODINI

TAKMIČENJE NA NIVOU MEDRESA ISLAMSKE ZAJEDNICE U BOSNI I HERCEGOVINI

Šampioni iz engleskog jezika

Takmičenje iz engleskog jezika za učenike medresa Islamske zajednice u Bosni i Hercegovini održano je u ponedjeljak, 21.2.2022. godine, u prostorijama Behram-begove medrese.

Našu školu su predstavljali Hilmo Tulumović koji je osvojio 86 bodova i Lejla Dorić koja je također osvojila 86 bodova. Oni su dijelili prvo mjesto s Hamzom Adilovićem takmičarem Gazi Husrev-begove medrese. Naš takmičar Amsal Avdihodžić je osvojio 80 bodova i dijelio je peto mjesto s Alminom Salkanovićem, takmičarem Medrese „Osman-ef. Redžović“ iz Velikog Čajnog kod Visokog .

Naša škola je ekipno bila najbolja te je zauzela prvo mjesto sa 252 osvojena boda.

Na takmičenju su učestvovala Gazi Husrev-begova medresa iz Sarajeva, Elči Ibrahim-pašina medresa iz Travnika, Medresa „Osman-ef. Redžović“ iz Visokog, Karadžoz-begova medresa iz Mostara, Medresa „Reis Džemaludin-ef. Čaušević“ iz Cazina, Medresa

„Gazi Isa-beg“ iz Novog Pazara i Behram-begova medresa iz Tuzle. Učestvovao je 21 takmičar.

Domaćin takmičenja iz engleskog jezika bila je Behram-begova medresa. Organizator takmičenja je Uprava za obrazovanje i nauku Rijaseta Islamske zajednice u Bosni i Hercegovini.

Najbolji iz bosanskog jezika

Takmičenje iz bosanskog jezika za učenike medresa Islamske zajednice u Bosni i Hercegovini održano je u Cazinu 7. marta 2022. godine. Našu školu su predstavljali Fatima Halilović, Sumeja Muratović i Faris Keserović.

Od osamnaest učesnika naši predstavnici su osvojili najviše bodova 11,9 te su tako ekipno osvojili prvo mjesto. Fatima Halilović je osvojila prvo mjesto s osvojenih 4,85 bodova, a Sumeja Muratović je osvojila drugo mjesto s osvojenih 4,55 bodova.

Drugo mjesto je osvojila Gazi Husrev-begova medresa. A trećeplasirana je Medresa „Osman-ef. Redžović“ iz Visokog. Učenike je pripremala profesorica bosanskog jezika Emina Hatunić.

Prvaci iz arapskog jezika

Takmičenje iz arapskog jezika za učenike četvrtog razreda medresa Islamske zajednice u Bosni i Hercegovini održano je u ponedjeljak, 14. marta 2022. godine, u Elči Ibrahim-pašinoj medresi u Travniku.

Naša škola je ekipno osvojila prvo mjesto, pojedinačno dva prva mjesta i jedno treće mjesto.

Muhamed Vrtagić i Ahmed Kasumović su zauzeli prvo mjesto s osvojenih 96 bodova, a Zulejha Omerbašić je zauzela treće mjesto s osvojenih 87, 5 bodova.

Učenike su pripremali profesori arapskog jezika u Behram-begovoj medresi Halil Mehanović, Mejra Numanović i Kemal Jusufović.

Prvo mjesto iz sire

Na prvom takmičenju iz životopisa Muhammeda, alejhisselam, održanom 21.3.2022. godine u Karadžoz-begovoj medresi u Mostaru, našu školu su predstavljali učenici Lejla Baturić, Imad Đedović i Fatima Zoletić.

Lejla Baturić osvojila je prvo mjesto u pojedinačnoj konkurenciji, a u ekipnom plasmanu Behram-begova medresa zauzela je drugo mjesto. Učenike je pripremao profesor Fadil Alić.

Prvo mjesto osvojili su takmičari Gazi Husrev-begove medrese, a treće Elči Ibrahim-pašina medresa.

Na takmičenju su sudjelovali učenici Gazi Husrev-begove medrese iz Sarajeva, Elči Ibrahim-pašine medrese iz Travnika, Karadžoz-begove medrese iz Mostara, Medrese „Reis Džemaludin-ef. Čaušević“ iz Cazina, Medrese „Reis Ibrahim-ef. Maglajlić“ iz Banje Luke, Medrese „Osman ef-Redžović“ iz Visokog, Gazi Isa-beg medrese u Novom Pazaru i Behram-begove medresa iz Tuzle.

Organizator takmičenja je Uprava za obrazovanje i nauku Rija-seta Islamske zajednice u Bosni i Hercegovini.

TAKMIČENJA U ORGANIZACIJI PEDAGOŠKOG ZAVODA

Pet nagrada iz engleskog jezika

U srijedu, 30. marta 2022. godine, u Mješovitoj srednjoj mašinskoj školi u Tuzli održano je Kantonalno takmičenje iz engleskog jezika. Našu školu je predstavljalo devet učenika, odnosno po tri učenika iz prvog, drugog i trećeg razreda. Ostvarili su odlične rezultate i svojoj školi donijeli čak pet nagrada.

Takmičari prvog razreda postigli su sljedeće rezultate: Nadija Hodžić osvojila je drugo mjesto, a Amra Nurić i Ajnur Omerčević su zauzeli peto mjesto.

U kategoriji drugih razreda Fatima Huskanović osvojila je drugo mjesto, Hamza Baćevac treće mjesto, a Faris Halilčević je zauzeo četvrto mjesto.

U kategoriji trećih razreda ostvareni su sljedeće rezultate: Mehmedalija Bikić osvojio je prvo mjesto, Emina Jahić osvojila je drugo mjesto, a Tarik Sinanović zauzeo je četvrto mjesto.

Učenike su pripremali profesori engleskog jezika u Behram-begovoj medresi Amila Hasanspahić i Asmir Dorić.

Kantonalni šamioni iz fizike

U Behram-begovoj medresi je u četvrtak, 31.3.2022. godine, održano 26. kantonalno takmičenje učenika srednjih škola iz fizike. Učestvovala su 22 srednje škole i 89 takmičara.

Iz oblasti mehanika i termodinamika takmičilo se 38 učenika. Naši takmičari su briljirali u ovoj oblasti. Prvo mjesto osvojio je Muhamed Numanović, učenik prvog razreda. Drugo mjesto zauzeo je Husein Jašić, učenik drugog razreda, a Lejla Baturić, učenica prvog razreda, osvojila je treće mjesto. Selver Sarajlić, učenik prvog razreda, osvojio je četvrto mjesto.

Iz oblasti elektromagnetizam, oscilacije i talasi takmičilo se 35 učenika. Prvo mjesto osvojila je Ajla Baturić, učenica četvrtog razreda.

Ovim sjajnim rezultatima svi naši takmičari su se plasirali na federalno takmičenje koje će biti održano 23. aprila 2022. godine na Prirodno-matematičkom fakultetu u Sarajevu.

Učenike je pripremao profesor fizike u Behram-begovoj medresi Dino Ćorović.

Zadatke za takmičare su pripremili profesori s Prirodno-matematičkog fakulteta u Tuzli.

Organizator takmičenja je Pedagoški zavod Tuzlanskog kantona, u saradnji s Društvom fizičara Tuzlanskog kantona.

Ovim plasmanom naši takmičari su odbranili titulu šampiona s takmičenja održanog 2021. godine na kojem su također bili kantonalni šampioni. Ovo je treći put da su takmičari naše škole kantonalni prvaci iz fizike. Bili su to 2019. i 2021. godine. Ovo je do sada i najbolji rezultat za našu školu na jednom ovakvom takmičenju.

Prvo mjesto iz biologije

U četvrtak, 21. aprila 2022. godine, u Gimnaziji „Ismet Mujezinović“ u Tuzli održano je Kantonalno takmičenje iz biologije.

Na takmičenju su učestvovala osamdeset tri učenika iz osamnaest srednjih škola s područja Tuzlanskog kantona. Takmičilo se iz dvije oblasti: ekologija sa zaštitom životne sredine i genetika s biotehnologijom.

Učenica III razreda Behram-begove medrese Mirha Čikarić osvojila je prvo mjesto iz oblasti ekologija, s osvojena 92 boda. Našu školu su još predstavljali Aldin Mehmedović, Azur Čeliković i Kanita Beganović.

Pripremu i pregledanje testova su obavili profesori s Prirodno-matematičkog fakulteta u Tuzli. Naše učenike su pripremali profesori Edin Brigić i Muamera Kozarević.

Organizator takmičenja je Pedagoški zavod Tuzlanskog kantona i Gimnazija „Ismet Mujezinović“.

Ponovo federalni prvaci

U subotu, 23.4.2022. godine, na Prirodno-matematičkom fakultetu Univerziteta u Sarajevu, održano je 26. takmičenje učenika srednjih škola Federacije Bosne i Hercegovine iz fizike. Našu školu su predstavljali učenici koji su se takmičili na kantonalnom nivou i koji su odbranili prošlogodišnju titulu šampiona. Na takmičenju su učestvovali 44 srednje škole i 81 učenik iz Federacije Bosne i Hercegovine.

Iz oblasti mehanika i termodinamika Jašić Husein, učenik drugog razreda, zauzeo je prvo mjesto, Numanović Muhamed, učenik prvog razreda, zauzeo je drugo mjesto, a Baturić Lejla, učenica prvog razreda, osvojila je osmo mjesto.

Iz oblasti elektromagnetizam, oscilacije i talasi Baturić Ajla je zauzela peto mjesto.

Selver Sarajlić, učenik prvog razreda, učestvovao je na takmičenju i ostvario zapažen rezultat.

Ovim rezultatom naši takmičari su odbranili prošlogodišnju titulu federalnih prvaka, a ovo je treći put da je Behram-begova medresa ponijela titulu federalnih šampiona iz fizike.

Mentor našim šampionima je Dino Ćorović, profesor fizike u Behram-begovoj medresi.

Ovaj izuzetan rezultat naših učenika proizvod je predanosti i rada tokom cijele školske godine.

Drugo mjesto iz hemije

Kantonalno takmičenje iz hemije održano je 28. aprila 2022. godine u Međunarodnoj školi Richmond Park u Tuzli.

Na takmičenju su učestvovala 44 učenika iz 15 srednjih škola.

Elma Polutak, učenica četvrtog razreda Behram-begove medrese, osvojila je drugo mjesto u kategoriji gimnazija i medicinske škole s osvojenih 90 bodova.

Našu školu je predstavljao i Jukan Muhamed koji je ostvario zapažen rezultat.

Mentor učenicima je profesorica hemije u našoj školi Alma Buljubašić.

Pripremu i pregledanje testova su obavili profesori s Prirodno-matematičkog fakulteta u Tuzli.

Organizatori takmičenja su Međunarodna škola Richmond Park u Tuzli i Pedagoški zavod Tuzlanskog kantona.

Najviši plasman iz historije

Kantonalno takmičenje iz historije za učenike srednjih škola održano je u četvrtak, 5.5.2022. godine.

Našu školu je predstavljao Muhamed Dedić, učenik trećeg razreda, koji je u rangu gimnazija osvojio maksimalnih 100 bodova i zauzeo prvo mjesto. Behram-begova medresa prvo mjesto dijeli s predstavnicima Gimnazije „Živinice“, Gimnazije „Mustafa Novalić“ iz Gradačca i Gimnazije „Dr. Mustafa Kamarić“ iz Gračanice.

Naš predstavnik Tarik Junuzović je osvojio 90 bodova i zauzeo šesto mjesto.

Behram-begova medresa je ponovila uspjehe iz 2018., 2019. i 2021. godine kada smo također bili kantonalni prvaci.

Na takmičenju su učestvovala 32 srednje škole s područja Tuzlanskog kantona.

Organizator takmičenja je Pedagoški zavod Tuzlanskog kantona, a domaćin ovogodišnjeg takmičenja bila je Srednja ekonomsko-trgovinska škola u Tuzli.

Prvo mjesto iz informatike

U utorak, 17.5.2022. godine, u Mješovitoj srednjoj elektrotehničkoj školi u Tuzli održano je VIII kantonalno takmičenje iz programiranja za učenike srednjih škola.

Na takmičenju je učestvovao trideset i jedan učenik iz petnaest srednjih škola s područja Tuzlanskog kantona. Učenici su imali priliku da pokažu sve svoje vještine iz programiranja u programskom jeziku C++.

Našu školu su predstavljali učenici Amel Islamović i Emira Omerović.

Amel je osvojio prvo mjesto i time se plasirao na državno takmičenje u programiranju koje će se održati u junu ove godine.

Učenike je pripremao profesor informatike u Behram-begovoj medresi Elvedin Kozarević.

Organizator takmičenja je Pedagoški zavod iz Tuzle.

Drugo mjesto iz geografije

Kantonalno takmičenje iz geografije za učenike srednjih škola održano je 12.maja 2022. godine u prostorijama Gimnazije „Meša Selimović“ u Tuzli. U rangu gimnazija, Tahira Zukić, učenica trećeg razreda, zauzela je drugo mjesto, a Maida Bečić, također učenica trećeg razreda, zauzela je četvrto mjesto. Ovaj predmet se u našoj školi izučava samo u trećem razredu, tako da je ovo veliki uspjeh za našu školu.

Naše takmičarke je pripremala profesorica geografije u Behram-begovoj medresi Amra Hasanović.

Organizator takmičenja je Pedagoški zavod Tuzlanskog kantona.

Treći olimpijac Behram-begove medrese

Na Međunarodnoj olimpijadi iz fizike koja je održana online u Švicarskoj, u periodu od 10.7. do 17.7. 2022. godine, i na kojoj je učestvovalo 368 takmičara iz 75 država, našu zemlju je, uz još četvoricu učenika iz drugih srednjih škola, predstavljao Muhamed Numanović, učenik prvog razreda Behram-begove medrese. On se, nakon Državnog takmičenja učenika srednjih škola iz fizike koje je održano u Banjoj Luci ove godine, uspio plasirati na olimpijadu.

Kao najmlađi učesnik na ovom takmičenju, Muhamed Numanović je osvojio počasnu medalju. Ovim uspjehom Muhamed je nastavio tradiciju naše škole koja je i prošle godine imala svog predstavnika na olimpijadi, kao i prethodne.

SPORTSKA TAKMIČENJA

Dvije zlatne, dvije srebrne i tri bronzane medalje

Na pojedinačnom prvenstvu Federacije Bosne i Hercegovine u atletici za juniore i seniore, održanom u nedjelju, 12. septembra ove godine, u Tuzli, na stadionu Tušanj, učenici naše škole ostvarili su izuzetne rezultate.

Prvo mjesto u disciplini na 100 metara osvojio je Bakir Baković.

Prvo mjesto u disciplini bacanje koplja i treće mjesto u bacanju kugle osvojio je Hamzudin Jakubović.

Naš bivši učenik Hajrudin Vejzović osvojio je prvo mjesto u disciplini trčanje na 100 metara.

Begajet Šiljić je osvojio drugo mjesto u disciplini bacanje kugle i drugo u bacanju koplja.

Treće mjesto u disciplini na 3.000 metara osvojio je Ahmed Ahmetović, a Anes Bijelić također treće mjesto u disciplini trčanje na 1.500 metara.

Sulejman Buševac osvojio je četvrto mjesto u disciplini na 400 metara. Organizator takmičenja je Atletski savez Federacije Bosne i Hercegovine.

Bronzano odličje za odbojkaše

U Mejdanu u Tuzli u srijedu, 13.10.2021. godine, održano je finalno takmičenje Gradskog prvenstva srednjih škola u odbojci.

U utakmici za treće mjesto, ekipa Behram-begove medrese savladala je ekipu Ekonomsko-trgovinske škole rezultatom 2:0.

Prvo mjesto zauzela je Gimnazija „Ismet Mujezinović“, a drugo mjesto Mašinska škola. Ove dvije ekipe nastavljaju takmičenje na kantonalnom prvenstvu.

Tri zlatne medalje sa školskog takmičenja u Zenici

Finale Nestle atletske školske lige

Finale Nestle atletske školske lige održano je u četvrtak, 28.10.2021. godine, u Zenici.

Iz reda srednjih škola Tuzlu su predstavljali učenici iz Behram-begove medrese i Gimnazije „Ismet Mujezinović“.

Naši učenici osvojili su zlatnu medalju u disciplini trčanje na 4 x 100 metara. Zlatnu medalju su osvojili: Armin Smajlović, Muhamed Hujdur i Selver Pašić.

Selektor tuzlanske ekipe je Samir Spahić, profesor tjelesnog odgoja u Behram-begovoj medresi.

Iz osam gradova učestvovalo je trideset osnovnih i srednjih škola.

Ekipa Tuzle je na ovom takmičenju zauzela treće mjesto.

Turnir povodom Dana državnosti

Povodom Dana državnosti Bosne i Hercegovine naša škola je bila domaćin odbojkaškog turnira koji se igrao u ponedjeljak, 22.11.2021.godine.

Učestvovala su četiri ekipe i to Medicinska škola, Elektrotehnička škola, Mješovita srednja saobraćajna škola i Behram-begova medresa.

U prvoj utakmici Behram-begova medresa je igrala protiv Elektrotehničke škole i pobijedila 2:0.

U drugoj utakmici Medicinska škola je igrala protiv Mješovite srednje saobraćajne škole i pobijedila 2:0.

Za treće mjesto borile su se Elektrotehnička škola protiv Mješovite saobraćajne škole i pobijedila je 2:1 u setovima. U finalnoj utakmici, Medicinska škola pobijedila je Behram-begovu medresu 2:0 u setovima.

Bakir Baković osvojio zlatnu medalju

U nedjelju, 6. februara 2022. godine, u Sarajevu je održano pojedinačno dvoransko Državno prvenstvo u atletici za juniore.

Naš učenik Bakir Baković osvojio je prvo mjesto u disciplini 60 metara i tako napravio lični rezultat istrčavši za 7:40 sekundi.

Bakir Baković je, također, 29.1.2022. godine učestvovao na dvoranskom prvenstvu Srbije za juniore i mlađe juniore. Na ovom takmičenju je osvojio drugo mjesto u disciplini 60 metara. Učestvovao je u disciplini 4×200 metara u kojoj je postavio novi državni rekord.

Kantonalni viceprvaci u košarci

U Behram-begovoj medresi je u srijedu, 30.3.2022. godine, održano Kantonalno takmičenje u košarci. Naše momke je u finalnoj utakmici porazila ekipa Gimnazije „Meša Selimović“.

Na kraju turnira, prvo mjesto zauzela je ekipa Gimnazije „Meša Selimović“, drugo mjesto zauzela je Behram-begova medresa i trećeplasirana je ekipa Gimnazije „Mustafa Novalić“ iz Gradačca.

Organizator Malih olimpijskih igara je Sportski savez Tuzlanskog kantona i Pedagoški zavod

Dva zlata s karate-lige

U nedjelju, 17. 4.2022. godine, u Lukavcu je održano Prvo kolo karate-lige tuzlanske regije.

Učestvovalo je 360 takmičara iz 20 klubova.

Merima Mehmedović, učenica prvog razreda Behram-begove medrese, osvojila je dvije zlatne medalje u kategoriji borbe pojedinačno i borbe ekipno u kategoriji 59 kilograma juniorke.

Inače, Merima Mehmedović nosi zvanje majstor karatea crni pojas 1. dan.

Organizator takmičenja je Karate klub „Sensei“ Turija iz Lukavca.

Kantonalni viceprvaci u malom nogometu

Na stadionu Tušanj u utorak, 24. maja 2022. godine, održano je Kantonalno takmičenje omladinaca u malom nogometu.

Ekipu Behram-begove medrese u finalnoj utakmici pobijedila je Elektrotehničke škole na penalima 7:6. U konačnom poretku, prvo mjesto zauzela je ekipa Elektrotehničke škole iz Tuzle, drugo mjesto su osvojili igrači Behram-begove medrese i treće mjesto pripalo je ekipi iz Teočaka.

Zlatna medalja

Pojedinačno prvenstvo Bosne i Hercegovine za mlađe juniore u atletici održano je u subotu, 28. maja 2022. godine, u Sokocu. Muhammed Hujdur, učenik prvog razreda Behram-begove medrese, učestvovao je u disciplini štafeta 4×100 metara i osvojio je prvo mjesto.

Armin Smajlović, također učenik prvog razreda naše škole, osvojio je peto mjesto u disciplini trčanje na 100 metara.

Značajniji uspjesi u školskoj 2021/2022.

Lista najboljih učenika po odjeljenjima za 2021/2022. školsku godinu

#	RAZRED	IME I PREZIME	KATEGORIJA
1	Ia	Sarajlić Selver	Najbolji učenik
2	Ib	Numanović Muhamed	Najbolji učenik
3	Ic	Baturić Lejla	Najbolja učenica
4	Id	Hatunić Medina	Najbolja učenica
5	Ila	Jašić Husein	Najbolji učenik
6	Ilb	Islamović Amel	Najbolji učenik
7	Ilc	Džebić Merjem	Najbolja učenica
8	Ild	Ravkić Ajla	Najbolja učenica
9	IIla	Avdibašić Ahmed	Najbolji učenik
10	IIlb	Dedić Muhamed	Najbolji učenik
11	IIlc	Muhamedbegović Sumeja	Najbolja učenica
12	IIId	Zukić Tahira	Najbolja učenica
13	IVa	Keserović Faris	Najbolji učenik
14	IVb	Mešanović Ahmed	Najbolji učenik
15	IVc	Omerbašić Zulejha	Najbolja učenica
16	IVd	Polutak Elma	Najbolja učenica
17	IIId	Šišić Belma	Najaktivniji čitatelj
18	IIlb	Baković Bakir	Najbolji sportista
19	IId	Hatunić Medina	Literarni konkurs 1. mjesto
20	IVa	Čeliković Azur	Literarni konkurs 2. mjesto
21	Ic	Čeliković Azur	Literarni konkurs 3. mjesto

Učenik 346. generacije učenika Behram-begove medrese je Am-sal Avdihodžić, a učenica generacije je Lejla Dorić.

Pregled uspjeha na predmetnim takmičenjima

Uspjeh	Nivo takmičenja	Ime i prezime učenika	Nastavni predmet iz kojeg je učenik ostvario rezultat	Organizator
2.	Kanton	Lejla Baturić	Matematika	PZTZ
2.	Kanton	Muhamed Numanović	Matematika	PZTZ
1.	Kanton	Husein Jašić	Matematika	PZTZ
3.	Kanton	Fatima Huskanović	Matematika	PZTZ
1.	Kanton	Muhamed Numanović	Fizika	PZTZ
2.	Kanton	Husein Jašić	Fizika	PZTZ
3.	Kanton	Lejla Baturić	Fizika	PZTZ
1.	Kanton	Ajla Baturić	Fizika	PZTZ
1.	Federalno	Husein Jašić	Fizika	Društvo fizičara Bosne i Hercegovine
2.	Federalno	Muhamed Numanović	Fizika	Društvo fizičara Bosne i Hercegovine
5.	Federalno	Ajla Baturić	Fizika	Društvo fizičara Bosne i Hercegovine
6.	Državno	Muhamed Numanović	Fizika	Društvo fizičara Bosne i Hercegovine
2.	Kanton	Tahira Zukić	Geografija	PZTZ

Uspjeh	Nivo takmičenja	Ime i prezime učenika	Nastavni predmet iz kojeg je učenik ostvario rezultat	Organizator
1.	Kanton	Muhamed Dedić	Historije	PZTZ
2.	Kanton	Elma Polutak	Hemija	PZTZ
1.	Kanton	Mirha Čikarić	Biologija	PZTZ
1.	Kanton	Amel Islamović	Informatika	PZTZ
1.	Kanton	Mehmedalija Bikić	Engleski jezik	PZTZ
2.	Kanton	Fatima Huskanović	Engleski jezik	PZTZ
2.	Kanton	Nadija Hodžić	Engleski jezik	PZTZ
2.	Kanton	Emina Jahić	Engleski jezik	PZTZ
3.	Kanton	Hamza Bačevac	Engleski jezik	PZTZ
1.	Rijaset	Fatima Halilović	Bosanski jezik	Rijaset - Uprava za obrazovanje i nauku
2.	Rijaset	Sumeja Muratović	Bosanski jezik	Rijaset - Uprava za obrazovanje i nauku
1.	Rijaset	Ahmed Kasumović	Arapski jezik	Rijaset - Uprava za obrazovanje i nauku
1.	Rijaset	Muhamed Vrtačić	Arapski jezik	Rijaset - Uprava za obrazovanje i nauku
3.	Rijaset	Zulejha Omerbašić	Arapski jezik	Rijaset - Uprava za obrazovanje i nauku
3.	Rijaset	Ajla Ravkić	Historija	Rijaset - Uprava za obrazovanje i nauku

Uspjeh	Nivo takmičenja	Ime i prezime učenika	Nastavni predmet iz kojeg je učenik ostvario rezultat	Organizator
1.	Rijaset	Lejla Dorić	Engleski jezik	Rijaset - Uprava za obrazovanje i nauku
1.	Rijaset	Hilmo Tulumović	Engleski jezik	Rijaset - Uprava za obrazovanje i nauku
1.	Rijaset	Lejla Baturić	Životopis Muhammeda, a.s.	Rijaset - Uprava za obrazovanje i nauku

Pregled uspjeha na sportskim takmičenjima

Uspjeh	Nivo takmičenja	Ime i prezime	Nastavni predmet iz kojeg je učenik ostvario rezultat	Organizator
1.	Gradsko	Ekipno	TiZO Atletika, štafeta 4x100m	Sportski savez Grada Tuzla
1.	Gradsko	Bakir Baković	100m	Sportski savez Grada Tuzla
1.	Gradsko	Adnan Imširović	Skok udalj	Sportski savez Grada Tuzla
2.	Gradsko	Hamad Imamović	Skok udalj	Sportski savez Grada Tuzla
1.	Kanton	Bakir Baković	100m	Sportski savez TK
2.	Kanton	Begajet Šiljić	Kugla	Sportski savez TK
1.	Kanton	Hamad Imamović	Skok udalj	Sportski savez TK

Uspjeh	Nivo takmičenja	Ime i prezime	Nastavni predmet iz kojeg je učenik ostvario rezultat	Organizator
2.	Kanton	Adnan Imširović	Skok udalj	Sportski savez TK
1.	Kanton	Ekipa	Atletika, štafeta 4X100m	Sportski savez TK

RANG-LISTA NAJUSPJEŠNIJIH ODJELJENJA U ŠKOLSKOJ 2021/22. GODINI S PROPISANIM NAGRADAMA

1. mjesto – odjeljenje Id, s prosječnom ocjenom 4,59
2. mjesto – odjeljenje IIIc, s prosječnom ocjenom 4,45
3. mjesto – odjeljenje Ic, s prosječnom ocjenom 4,41

Odjeljenje s najmanje izostanaka u toku školske godine je odjeljenje Id, s ukupno 1264 izostanaka tokom školske godine